

Ge go le  
boima ...



**bible society**  
of south africa

## Ga o tee

Go na le dinako tše dingwe tše dilo ka moka di bonalago eke ga di sepele gabotse bophelong bja gago. E ka ba sengwe le sengwe go tloga go hlokofaleng ga motho yo o mo ratago, tlhalo, go lahlegelwa ke segwera, go fihla go tobo ya mošomo. Ditobo tše goba maswabi a a ka dira gore o nyame, o ikwe o hloka thušo ebile o na le lehloyo.

## Modimo o a hlokomela ka wena

O homotša ba ba nyamilego,  
o ba kgothatša manyaming a bona.

DIPESALOME 147:3

O tla fudiša mohlape wa gagwe  
boka modiša;  
o tla kgoboketša dikwanyana,  
a di kuka, a di gokarela,  
a eta bommagotšona pele a iketlile.

JESAYA 40:11

“O tla ba phumola meokgo yohle.  
Go ka se sa ba le lehu goba manyami  
goba dilo goba bohloko. Dilo tšela tša  
kgale di fetile.”

Yo a dutšego setulong sa bogoši a re:  
“Bona, dilo tšohle ke di dira tše mpsha!”

KUTOLLO 21:4-5a

## Khomotšo mathateng

Ka dinako tše re lego mathateng,  
maikutlo a rena a a re fenya. Re ba le  
kgatelelo mola re sola Modimo gore o  
re lahlile. Eupša O re tlišeletša gore o tla  
ba le rena ka mehla gomme a re thoba  
maswafo.

Modimo o rile: “Nka se tsoge ke le tlogetše, ebile nka se tsoge ke le lahlile.”  
Ka gona, a re boleleng re holofetše re re:

“Morena ke mothuši wa ka,  
nka se boife selo;  
motho wa nama yena a ka ntirang?”

BAHEBERU 13:5b-6

“Ditaba tše ke le boditše tšona gore le beege dipelo ka ge le le ba tee le nna.  
Mo lefaseng le tla hlorigwa, fela le bete dipelo; nna lefase ke le paletše!”

JOHANESE 16:33

## Gobona lesedi

Ge re le bohlokong, re ikhwetša re lebeletše tšohle ka moka tšeo di phošagetšego gomme re sa kgone go bona tsela ya go di rarolla. Efela Bibe e re hlohleletša go lebelela ka lehlakoreng le lebotse le go lebala tše di fetilego:

“Ge o ka sokologela go Modimo,  
wa otlolla matsogo a gago  
wa mo rapela;  
ge o ka tlogela go dira dibe,  
wa se dumelele bobbe ka lapeng la gago,  
ke mo o tlogo ba o hloka bosodi,  
wa kgona go lebanya mahlo le batho,  
wa ba le maatla, wa se boife.  
O tla nama wa lebala mahloko a gago,  
wa a gopola e le fela lefula  
le le fetilego.  
Bophelo bja gago bo tla taga  
go feta letšatši la mosegare  
wa sekgalela;  
manyami a gago a tla go tlogela  
go etša leswiswi ge le tlogela masa.”

JOBO 11:13-17

**\*Ditemana tša mangwalo a makgethwa di tšerwe ka go Bibe ya Sepedi 2000.**



E gatišitšwe le go phatlalatšwa ke ba  
Bible Society of South Africa.  
[www.biblesociety.co.za](http://www.biblesociety.co.za)



BibleSA.co.za

**BibleSA**

Bibles and audio Bibles are  
available on the **BibleSA app**.